

08 AUG 2001

DR MAHATHIR BERLEPAS UNTUK LAWATAN PERIBADI KE EROPAH

SUBANG, 8 Ogos (Bernama) -- Perdana Menteri Datuk Seri Dr Mahathir Mohamad berlepas ke Eropah malam ini untuk lawatan peribadi sebelum melakukan lawatan negara ke Yaman, minggu depan.

Dr Mahathir yang akan melawat Yaman dari 15 hingga 17 Ogos, akan menghadiri Global 2001 Dialog Antarabangsa Rakan Pintar (Dialog Antarabangsa Selatan Afrika (SAID)/Dialog Antarabangsa Langkawi (LID), di Kampala, Uganda pada 18 hingga 21 Ogos.

Jet eksekutif yang membawa Perdana Menteri dan isteri, Datin Seri Dr Siti Hasmah Mohd Ali berlepas dari Lapangan terbang Tentera Udara Diraja Malaysia (TUDM) di sini pada pukul 11.05 malam.

Dr Mahathir dijadual pulang ke tanah air pada 22 Ogos.

Antara yang berada di lapangan terbang untuk mengucapkan selamat jalan kepada Perdana Menteri ialah Timbalannya Datuk Seri Abdullah Ahmad Badawi.

-- BERNAMA

HS HS LAT